

HBk eutsi egingo dio Artzain Onaren aurrean kontzentratzeko erabakiari

Barne Sailak debekatu egin dion arren

Herri Batasunak eutsi egingo dio datorren ostegunean Donostiako Artzain Onaren katedralean kontzentratzeko erabakiari, Eusko Jaurlaritzako Barne Sailak han biltzea debekatu dion arren. «Ez dugu erpinik ere amore emango Euskal Herriaren askatasunaren aldeko borrokan», erantzun du HBk, eta neurri horrek «ekar ditzakeen ondorio larriak» Barne Sailaren erantzukizuna izango direla esan du.

DONOSTIA

Barne Sailak hiru arrazoi eman zituen HB Alditransko langileen aurrean kontzentratzea debekatzeko. HBren helburua ez dela manifestatzea dio, baizik eta «aurrez Jose Maria Aldaiaren askatasunaren aldeko manifestazio deia egin zuten beste herritar ba-

tzuen eskubidea oztopatzea». Bestalde, «Alditransko antolatutako manifestazioan parte hartzen dutenen kontrako irainak, mehatxuak eta erasoak» izango direla «aurrikus» daiteke Barne Sailaren ustez. Horregatik, eta Artzain Onaren ingurunea «beharrezko neurri polizialak hartzeko» leku egokia ez dela argudiatuz, debekatu egin du HBren kontzentrazioa.

HBren ustez, Barne Sailaren erabakia «Ajuria Eneko Itunetik azken asteotan bultzatu den kanpainaren ondorio» da. «Ez dira gai aurkakotasun politikoaren izaera demokratikoa onartzeko eta errepresio gogorrera jo dute gure ahotsa isildu nahian», dio HBk atzo zabalduetako gutunean.

Ostegunean Artzain Onaren katedralaren aurrean kontzentratzeko deia eutsi egingo dio HBk, «ezker abertzaleak ez duelako den gutxiengerekin amore emango Euskal Herriaren askatasunaren aldeko borrokan».

«Barne Sailaren erabakiak agerian uzten du», adierazten du



Barne Sailak esan du enfrontamenduak eragoztearren debekatu duela HBren deialdia.

EFE

HBk, «ezin dutela onartu euskal gizarteko sektore zabal batek gure herriaren askatasuna eskatzea».

Bi kontzentrazioak berriro aurrez aurre jartzeak ekar ditzakeen ondorioez, HBk uste du «erantzukizuna Barne Sailarena eta horrelako erabakiak babesten dituztena» izango dela.

Artzain Onaren katedralera joateko erabakian «atzeratu egin dezala» eskatu dio Inazio Oliveri Eusko Alkartasunako idazkari nagusiak HBri. «Tentsiorako

bere estrategia alde batera uzteko eskatzen diogu HBri, EAK GALEn trama argitzea eta Felipe Gonzalezen dimisioa eskatu duen indar berarekin».

«Giza eskubideen errespetua besterik eskatzen ez duten pertsonen erasotzeak, baieztatu egin du NAEMen diskurtsoa, hau da, konponbide elkarriketatua HBk bakarrik bilatzen duela esatea», esan zuen Oliveri osteguneko kontzentrazioen inguruan kaleratu zuen prentsa agerian.

ALDITRANSEKOEK EGOERA AZTERTUKO DUTE

Bestalde, Alditransko langileak egoera berria aztertzeko bildu ziren herenegun. Enrique Cercadillo bozeramaileak ez zuen atzo HBren erabakiaren inguruko baloraziorik egin nahi izan, baina datorren astean «balorazio eta gogoeta sakonagoa» egingo dutela eta beren jarrera argituko dutela esan zuen.

Alditransko langileak Donostiako Alderdi Ederren kontzentratu ziren atzo ere.

EUSKO JAURLARITZA

GOBIERNO VASCO

HEZKUNTZA, UNIBERTSITATE
ETA IKERKETA SAILA

DEPARTAMENTO DE EDUCACION
UNIVERSIDADES E INVESTIGACION

1995 / 96 IKASTURTERAKO IKASKETA LAGUNTZAK (MAILA EZ-UNIBERTSITARIAK)

Interesatu jarraian aipatutako mailetarako ikasketa laguntzak eskatzeko epea ezagutu erazten zaio: HAUR HEZKUNTZA (2 zikloa), LEHEN HEZKUNTZA, OINARRIZKO HEZKUNTZA OROKORRA, HELDUEN HEZKUNTZA IRAUNKORRA, HEZKUNTZA BEREZIA, BATXILERGOA, UNIBERTSITATERA BIDERATZEKO IKASTURTEA, LANBIDE HEZIKETA, IRAKASKUNTZA ERTAINEN ERREFORMA, LANBIDE MODULUAK 2 ETA 3, HIZKUNTZAK (Eskola Ofiziala), ARTE APLIKATUAK ETA LANBIDE ARTISTIKOAK ETA MUSIKA ETA DANTZAKO OINARRIZKO ETA ERDI MAILAK.

Eskatzeko epea: irailaren 25etik urriaren 20rarte.

Eskabideen egiteko inprimakiak: ikasleak ikasten ari diren ikastetxeetan egongo dira.

LAGUNTZEN ZENBATEKOA

Material didaktikorako laguntza: liburuak erosteko.

HAUR HEZKUNTZA (2. zikloa)	9.000pta.
LEHEN HEZKUNTZA	14.000pta.
O.H.O., H.H.I., HEZKUNTZA BEREZIAK	14.000pta.
GAINERAKO IRAKASKUNTZA MAILAK	18.000pta.

Ikaskuntzarako laguntza: Ikaskuntza kuota ikasleari sortzen dizkion gastuetan laguntzekoak.

Laguntza hau ikasketak Hitzarmen Partzialdun Ikastetxe edo mailatan eginen ari diren ikasleei emango zaie.

B.B.B., U.B.I., I.E.E.II.ETA LOGSE BATXILERGOKOAK, L.H.II, L.M.II.ETA III, ETA ERDIKO ZEIN GOI MAILAKO HEZIKETA ZIKLOAK	68.000pta.
H.H.I. ETA GAINONTZEKO MAILAK, UDAL MUSIKA IKASTEGETAN EMANDAKOAK BARNE	24.000pta.

Bidaietarako laguntza: bidaiak L.H.I. eta I.E.E.I (Ikastetxe Pribatuak), H.B., B.B.B., U.B.I., L.H.II, I.E.E., LANBIDE MODULUAK 2 eta 3 eta Erdi Mailako beste ikasketa batzuetako (Ikastetxe Publiko zein Pribatuak), ikasleari ekar diezazkiokeen gastuetan laguntza da laguntza-mota honen helburua beti ere ikaslearen bilerketa ikastetxetik 5 kilometro edo gehiagotara dagoenean.

5 km.-tik 10 km.-tara	19.000pta.
10 km.-tik 30 km.-tara	40.000pta.
30 km.-tik 50 km.-tara	83.000pta.
50 km.-tik gora	100.000pta.
U.B.E.I.	38.000pta.
EGOITZAGATIK	220.000pta.

Jangelarako laguntza: Bizilekuk kanpo bazkaldu beharregatik eta bere irakastordunak jardun etenekoak izategatik, konzeptu honek Hezkuntza Berezi, Eskolaurre, Lehen Hezkuntza eta O.H.O.ko ikasleari ekar diezazkiokeen gastuetan laguntza da, laguntza-mota honen helburua.

Dirulaguntzaren gehieneko zenbatekoa 50.000pta.

Kontzentrazio laguntza: Eskatzaileak L.H.II, I.E.E.II, B.B.B.eko 3. maila, U.B.I. Lanbide Modulua 2 eta 3 eta LOGSE Batxilergoak ikasleak familiari ekar diezazkiokeen desabantailak konpentsatzeko da laguntza-mota honen helburua.

Baldintza ekonomikoak: pertsona bakoitzaren urteko irabazi garbia ez dadila izan 280.000 pta baino gehiago.

L.H.II, III, LANBIDE MODULOAK EDO GOI MAILAKO HEZIKETA ZIKLOA ETA ARTE PLASTIKOETAKO ETA DISEINUKO GOI MAILAKO HEZIKETA ZIKLOA	210.000pta.
I.E.E.II, B.B.B. 3. UBI, LOGSE BATXILERGOKOAK, 2. LANBIDE MODULOAK EDO ERDI MAILAKO HEZIKETA ZIKLOA, ARTE PLASTIKOETAKO ETA DISEINUKO ERDI MAILAKO HEZIKETA ZIKLOA ETA ARTE APLIKATUETAKO ETA LANBIDE ARTISTIKOETAKO ESPEZIALITATEA	156.000pta.

Laguntzaren zenbatekoa, gutzira, ikasle bakoitzak eskubidea dueneko alde guztien batuketara izango da. Deialdi honetan ezartzen diren arauaren arabera.

Informazio gehiagorako: 94-9-1.eko 166 zenbakia duen «EHA»-ra jo.

Baldintza ekonomikoak: ikasketa laguntza lortzeko gauditu ezin diren irabazi GARBIK (1994. URTEA).

Familien kopurua

1	900.000pta.
2	1.470.000pta.
3	1.930.000pta.
4	2.288.000pta.
5	2.252.000pta.
6	2.792.000pta.
7	3.037.000pta.
8	3.280.000pta.
9	(+240.000pta.)

Adinari buruzko baldintzak: 1995-12-31n urte beteta dituzten ikasleak ez zaie laguntzarik emango (HHko ikasleak, gauzez ikasi edo beka berritatzeko duten ikasleak salbu).

zinemak 100 urte,
euskarak milaka!

Ama:en magalean ikasia
zein euskaltegian
neke handiz zureganatua,
euskara duzu ohizko hizkuntza.
Euskal Herria jatorrizko bertsioan
ezagutzeko gai zara.
Zorionak!

Hala eta guztiz ere,
zuk ere baduzu zure egitekoa
euskararen berreskurapenaren
pelikula honetan.
Zure inguruko lagun erdaldunak
euskara ikastera animatuz,
gure hizkuntza bultzatzeaz gain,
opari ezin ederragoa egingo diezu.

**EUSKARAK
PROTAGONISTAK
BEHAR DITU!**

Izan
zaitez
zeu ere
filme honetako izarra!



**EUSKAL
HERRIKO
ALFABETATZE
EUSKALDUNTZE
KOORDINAKUNDEA**